

tetjittig Mali Lôs Saimon, Mali Lôs Piels, Mali Pigiël, M. Senepiep Lipai, M. Pelonig Plansis, Mali Palao, Isapel Tjô, Isapel Saimon, M. Senepiep Glemen. Gisi miaalagoeg nasôtelotijig etogemegeog. Tesipenig pagapogoatipenig ag gemnieoipenig 129. Neoggol mesgigel alamesel, Mali Tjô Agostin, Noel Saimon, Noel Niglas ag nepgig.

Nat oen teli oigiget: Maoi olataganigeg ag maoi moioatemititij negla mimatjoinoga tana telgig maoi apigsigtoaganemititij, tjel na soel môgetj tami elitasoltigo eosami gelolg tetapoiag eimititij. Golaman gogontag tan teli olalogoititij gotjinal, patliasel elnoisilitjel. Ag, nôgematot, agnotemolôg tan teli gelositj lnoi sagmao, tapogonag gisipogoasitj oetjatôg solieoei gepelnôleoigtog ag omagamigemoôo gagi oetjittôg tana mo getjitolisena. Nigetj tôg oli apôgônemoanetj ag maoi apôgônematoltinetj.

Taniel Niglas eli mitogoes listogotjga. Elp gtegig nomilseg, pigtog ag tami seg oetjitatitij eli noeoltipenig listogotjga.

MISEL TOMA.

Epegoitg-nepgigeoei tepgenoset 4 tes. 1910 —tlisip Misel Toma epegoitneoaatj ignemos elegeoiteoei oetjioemgeoei pogseg, tan etog oen tet teli oltaoalameg pegisingel gtjiganigtog, istege Misel Toma api n-galoeteg io mail aogtiei nigatneoaagen gtjipogtog. Pogteolgo pegisolitj gasgimtelnaganit mimatjoino gôtlômigtog sesgotipenig nogaloetjel neiatasig mesgig oltasoagen.

Epegoitneoei papoaganei maoiômi elogoatgep mesgig ilatjogtatimgeoei ogtjit. oeli pginemgeoei ag oegla sagmag tanig asogos oltipenig H.D. Johnson niganpogoit milasoaganei maogamgeoeigtog, ag onotoigigetemel L.B. McMillan, Ira J. Yeo niganpogoit epegoitneoei papoagani maoiômigtog ag onotoigigetemel W.A. Gaudes asogoatipenel Misel Tomaal pogteolgotog ag elalatiipenel alniaoei alipgômoltimgeoiogômng gtjigangeoel pipogaganel getogopenel ag eltemapenig misôgo natel.

Ola lamigoômng natami 2500 mimatjoinog maoiepenig otjit tan te-

li gepmalatitj maoi gsigaoasoinol, ag eli oegoag oentjjoôm espi msagtagtog oeli gegenatasigep ag epegoitnag megoôlittijig ag magtaoôlittijig tanig oitjei maoiômi tleg oegela sagma oetjioeoinoo tan nigani alsosis gepelnôleoagig Hazard, gtjiganigtog Rodgers, patlias J.A. McDonald Inog otjtjoal ag Plansoe Tomaeoitijig paglaptemitis tan teli olalogsilitj ogoisoal oetji osgeoitasisenig, ag na gionagatj oetji latitis gtjigang. Espi msagtagtog pataloti etegsep gagamip gtjipogtogeoei gôps ag gtegig asogôm tesitijig giotôgio epoltipenig ag neogtinsgagel metalel mset ola otapson maoi gsigaoasoino Misel Toma tan oetji mseng nigatneoemgeogtog megôtig solieoei ag oisaoi solieoei. Oesgeonagel gepmaltimgeoel ignemopenel epasiteg gotpotigtog espi msagtagtog oetji pgôtamgiagep oli tleoistoaganf



CORONATION EXHIBITION 1911

Menag notemameg tan teli pestieoiten ataoag, elegeoit msengel otaptogôpison; pasig gis solnaltjitj mesneg oigatigenel aglasieoagig oetjijagal, teli agnotemeg tan msgatatingeoei pmiateo natel oetjatgegmg agisigos misôgo oigeoigos; mset tami ogtjialat milamogol gôgoel, ptjilio ola ganataoagig. Tjel geloltes, teloatitijig, tan gôgoei natami oetjiag negemôo natel tleg mimatjoinog onatji notjôtemeneo, getj smagenisgi gemotjoegatitijig, lôgtegenegatisjig, notji tjimetitijig, Inog, etc. Inog eln pa oitottij natel; na ogtjit nin oigemoas ogenoatagoneo tan telamogteteo elogôoagan ag tan telamogtetal noei-el gôgoel peoatemititjel. Ma aogtingog gato oen oesoaltji oegela sgmaga nigani oigomtji otelien aglasieoagig ag tgôtteeo gtjipestieoi, mgel. Tjel môgoe talenog oen gto lietj ignemoitj ogoisonem ag goiloi-temoitj agnotemagan tan totjio igagal. Tôgo oigatigenel tan gego-nemanel aglasieoigasigel neiatooas tan oen getoi nemittôgôl. Nin lnoi patlias.